

嘉靖延平府志

地310.109
1275

部四二八

天一閣藏明代方志選刊

延平府志



一九六一年十二月上海古籍書店據寧波天一閣藏明嘉靖刻本景印原書版框高二〇公分寬一四·五公分

延平府志叙

世曰有司者練刑賦事乃筆筐篋為急業識治者譏之蓋政道有式今昔流遷劑質迺殊知治體者瞭晰于經國之書如志書者博登覽采以咸國憲政之式也郡之所有山川之迹也土地之生也風氣之僻也俗習之迭也征賦之數也賢庸之履也險易之附也詞章之述也皆廣記而備言之貫之 王制本乎觀戒故業官者求多聞善敗以鑑懼亦務懼夫國志之

延平府志叙一

弊頓弗可以考稽訊制儀昭明物則于志悉矣觀夫山川乃以紀國土地乃以裒征宣風以盪滌移俗以阜養酌夫成賦憲夫臧否倣備疆場腴燁國華經國之政寓矣班序權式以參紀統比類揆酢以度于百為庶夫郡邑之治也阜而不疚故曰志者政之式也百代之資也善夫延守陳子大用之治延考其圖典刑法而觀其廢興崇振延志其知治體者經國之緒見矣纂輯厥紀以文締時知在鄭子舜祥之優

嘉靖乙酉孟秋望日晉安林鉞撰

延平府志叙二

二

延平府志叙終

延平府志叙

余往歲得告歸自留都卧病劍溪草堂時同年南嶠陳子方秉郡旄聽六邑之政時和歲豐郡以無事陳子日駕軒車屏騶從過余草堂爲論文之雅問及余以郡志余曰郡故無志宋端平間有作者殊蕪鄙不足觀先郡守孫侯暨先達宮保劉公雅倡斯典禮聘莆田黃仲昭氏爲之今所傳郡志是矣閱歲既久板刻散失余先師胡九峯氏續爲之稿未及成九峯不

延平府志叙一

幸以死余以祿食走四方歸不及見先生及所以爲志之意能不恨歎陳子曰子爲我爲之余曰不肖何足以當此夫志亦史也脩物垂遠明善章視學不博何以該物見不精何以執幾心不公何以止謗三者脩可以言志矣夫公可能也博與精不可能也脩此三者其吾友林子克相乎陳子曰子姑創厥始吾爲子致林子廼檄永安學博辛君佑之相與纂輯越三月稿成林子不果來陳子曰是亦足以傳矣於是再

加校理刻之以求正於林子且以示來者云同是舉
者貳守羅君相之通侯余君廷獻表重斯文倡而能
和皆與有功焉

嘉靖四年乙酉秋九月望劍溪病夫鄭慶雲叙

延平府志叙二

延平府志目錄

地理志四卷

一卷 沿革 分野 疆里 郡名

形勝 風俗

二卷 山川

三卷 坊市 鄉都 橋渡 城池

四卷 古蹟 丘墓 寺觀 宮室

食貨志一卷

延平府志目錄

一

戶口 土田 水利 坑冶

土貢 財賦 差役 物產

官師志五卷

一卷 職員

二卷 歷官 文職

三卷 歷官 武職

四卷 名宦

五卷 名宦 宦蹟

公署志一卷

學校志一卷

祠祀志一卷

祠廟

壇壝

選舉志一卷

進士

舉人

歲貢

例貢

薦辟

蔭叙

貤封

恤恩

人物志四卷

延平府志目錄

二

一卷

道學

二卷

名臣

三卷

良吏

儒林

文苑

四卷

孝義

忠烈

武功

寓賢

隱逸

仕蹟

烈女

藝文志二卷

一卷

紀述

二卷

詩

方技志一卷

祥異志一卷

拾遺志一卷

延平府目錄終

延平府志目錄

三

地理志卷之一

徵仕郎南京禮科給事中郡人鄭慶雲纂

延平府永安縣儒學教諭順德辛紹佐同纂

在昔元胎闡象大毒流形天樞既張地軸攸立上古
邈矣弗稽弗傳惟堯興唐禹平水土以為九州虞舜
紹傳厥功彌劭表綱類而分區宇考川原而正疆域
書曰肇十有二州封十有二山是矣周禮職方掌天
下之土以周厥利保章辨九州之野皆有分星楊州

延平府志卷之一

地理之一

之域七閩斯繫漢唐五代以來尤為僻土宋德龍興
東南啓運衣冠文物雄視中州南劍道學之邦寔稱
鉅郡夫沿革興廢之由形勢流風之遠山川土田之
富不有紀述又何觀焉諸有民社之寄因人情而定
理考山澤而興利脩舉廢墜以邀福於民至於紛有
更變弗利而殃茲固無望於上之人爾已志地理

沿革分野 疆里 郡名 形勝

風俗 山川 坊市 鄉都 橋渡

城池 古蹟 丘墓 寺觀 宮室

沿革

夏商書

揚州之域宋蔡沉曰揚州北至淮東南至于海

周職方

七閩地

秦

隸閩中郡

延平府志卷之一

地之二

漢

屬閩越 為東冶縣地 為南平縣高帝五年封亡諸為閩越王其

地屬焉其後武帝以其國阻悍數反覆滅之而遷其民江淮間遂虛其地後復立冶縣屬會稽南部都尉建安初始分候官之北鄉置南平縣即今郡地也仍屬會稽南部

三吳

屬建安郡末安三年

東晉

延平縣太元四年改

劉宋明帝時延平縣廢

隋

屬泉州 閩州 建安郡開皇九年建安郡亦廢故隸泉州大業初屬閩三年復

屬建安焉

唐

屬建州 為延平軍武德初屬建州三年置延平軍仍屬焉

五代

延平鎮王審知改永平鎮王延翰改龍津縣 鐔州王延政僭位於建州

延平府志卷之一 地理一之三

升為龍津縣尋置鐔州

五代晉

延平軍制置鎮 劍州 縣三開運二年南唐兵拔鐔州復以為鎮明年

改為劍州析建州之延平劍浦富沙三縣屬焉治延平

五代漢

劍州 縣六乾祐元年南唐復以福州之尤溪汀州之沙縣來屬又升永順場為順昌縣總

縣六焉

宋

南劍州

太平興國四年因蜀利州路亦有劍州乃加南字以別之名南劍州而以建州之將樂屬焉

省延平富沙二縣領縣五
治劍浦雍熙二年隸福建路

元

南劍路

延平路至元十五年升南劍州為路屬福建行中書省十六年改屬宣慰使司

併入江西行省二十三年復屬行中書省二十四年改屬行尚書省二十八年復改屬宣慰使司併入江西行省二十九年復屬行中書省大德元年改屬福建平海行中書省三年復屬宣慰使司都元帥府六年改為延平路隸福建行中書省領司一曰錄事縣仍五改劍浦為南平至正末陳有定據而守之

延平府志卷之一

地理之一四

皇明

延平府

縣六

洪武元年平有定改其地為今府屬福建布政司罷錄事司領縣五景泰

三年增置永

南平

附將樂本漢建安縣地吳永安三年始析縣之校鄉置將樂

縣屬建安郡

晉隆安二年析縣之西鄉為綏安縣義熙元年又改綏安為綏城縣隋開皇十二年併入邵

武縣隸撫州

唐武德五年復置將樂縣隸撫州七年省嗣聖五年析邵武及綏城縣地復置元和三年省

五年復置屬建州

五代晉開運二年偽閩以縣置鋪州尋復為縣屬建州宋太平興國四年始來屬元仍

舊皇明

沙縣本漢南平縣地晉太元四年析其南鄉因之置沙縣唐武德四年復置隸建州後省入建安

縣永徽六年復置

大曆十二年改隸汀州五代漢乾

祐元年南唐始以來屬**尤溪**本晉延平縣之山洞唐
宋元仍舊皇明因之**尤溪**開元二十二年經畧使
唐修忠以書招諭其民酋長高伏請以千戶入版籍
二十九年始開拓置**尤溪**縣隸福州五代晉開運二
年南唐滅閩取其地以為制置鎮又三**順昌**本漢建
年割隸劍州宋元仍舊皇明因之**順昌**安縣地
唐貞觀三年以其東南二鄉置將水場嗣聖四年分
南鄉將水口為蠲科鎮景福二年改為將水鎮尋改
為永順場隸建州五代漢乾祐元年南唐始置順昌
縣隸劍州宋熙寧三年以縣境編小割劍浦縣交溪
鄉以益之元仍**永安**本沙尤二縣地皇明正統十
舊皇明因之**永安**四年逆賊鄧茂七平鎮守福建
都督范椎刑部右侍郎薛希璉巡按監察御史陳貞
嗣以其地險遠難於控制遂會三司奏請置縣於此
景泰三年始析沙縣新嶺以南
尤溪縣寶山以西地置**永安**縣

延平府志卷之一

地理一之五

分野

周官保章氏辨九州之分野吳越屬星紀

前漢志屬牽牛婺女之分

後漢

晉

隋志三皆屬斗牛須女之分

後漢志云自斗十一度至

辰在丑於律為黃鍾斗建在子吳越分野屬揚州晉
天文志云自南斗十二度至須女七度為星紀注云
費直起斗十度蔡邕起斗六度又云陳卓范蠡鬼谷
張良諸葛亮譙周京房張衡並云斗牽牛須女吳越

揚州內會稽入牛一
度須女即婺女也

唐

書屬南紀

天文志云僧一行以為天下山河之象

紀所以限戎狄也南戒自岷嶓至東甌閩中是謂南
紀所以限蠻夷也故星傳謂北戒為胡門南戒為越
門又云東南負海為星紀負海者以其雲漢之陰也
又云南斗牽牛星紀也杓南斗九度餘千四十一秒
十二大中南斗二十四度終女四度為星紀之分古
吳越及東南百越之國南斗在雲漢下流當淮海間
為吳分牽牛去南海窺遠自豫
章迄會稽南逾嶺徼為越分

宋

史以屬天市垣東蕃南第六星

天文志天市垣二

列十一星其東垣
南第六星曰吳越

延平府志卷之一

地理之六

元

史亦為星紀之次

齊志云斗四度三十六分六十

皇明天文分野以屬斗牛之分

大明一統志則

國朝翰林王禕分野論畧曰分野視分星古不謂地
也地有彼此之不齊而分野在天則一定而不易以
彼此不齊之地必欲求配於在天十二次整然之分
野其說之難通也固宜蓋天有三垣紫微大微天市
是也紫微太微皆將相輔佐之位而天市下垣則列
國星宿之所在其星東南二十二宋南海燕東海徐
吳越齊中山九河趙魏韓楚梁巴蜀秦周鄭晉河間
河中曰分野者指列星所屬之分而言也鄭氏所謂
星土星所主土是也其國在此而星則在彼彼此若
不相配而其為象未嘗不相屬非地之在北者其分
野在天亦居北地之在南者分野在天亦居南也列
國之在天下彼此縱橫之不齊猶大牙然而欲以其

地之不齊者求合乎在天分野之整然彼此之不相配無足怪者甚者至於天之北極為天之首其牀反背故有吳北魯東之差其惑甚矣易不云乎在天成象在地成形水火金木土其形在地者也而天有其星焉所謂象也豈惟五星哉凡物莫不皆然矣故夫齊吳燕宋韓楚周秦魏趙諸國之地地之形也而其星在天象之謂也地有是形則天有是星有是星則有是名曰齊吳燕宋韓楚周秦魏趙列國者非後世有是名而舉以為分野之名也何以知其然也徵諸東海南海九河河間河中巴蜀中山有以知之也東海南海九河河間河中非國中山巴蜀非若諸國之顯也故曰地有是形則天有是星而分野者指列星所屬之分而言也或曰若然則十二次之說將無所徵歟曰十二次所以驗天運之度數日躔之次舍此蓋古法而曆家之所取驗者也因其度數次舍之所在于而妖祥見焉則其所屬之地從亦可徵矣抑分野之說固豈專係於是哉

延平府志卷之一

地理之七

疆里

府地廣三百七十五里袤三百里南平廣一百四十五里袤一百八十里將樂廣一百五十五里袤一百六十里沙廣一百五十里袤一百四十里尤溪廣二百八十里袤二百五十里順昌廣九十里袤七十里永安廣一百八十里袤二百里

府在布政司之西其東為建寧之建安其西為汀州

之清流其南為福州之古田其北為邵武之建寧東至

建寧府一百二十里西至清流縣界三百二十五里

南至古田縣界一百二十里北至邵武縣界一百八

十里東南至福州府界一百二十里西南至泉州府

界三百九十里東北至建寧府界一百二十里西北

至邵武府界一百八十里自府治至南京二

千四百七十里至京師五千二百九十三里

南平附郭東抵建安西順昌南尤溪北甌寧東至建

安縣界五十里西至順昌縣一百二十里南至尤溪

縣一百五十里北至建寧府甌寧縣界一百里東南

至福州府界一百二十里西南至永安縣二百里東

北至甌寧縣界五十里西北至甌寧縣界一百里

將樂在府城西二百二十里東抵順昌西清流南沙

延平府志卷之二

地理之八

縣北泰寧東至順昌縣一百里西至汀州府歸化縣

北至邵武府界一百二十里東南至順昌縣界四十

里西南至汀州府界一百二十里東北至邵武府界

一百二十里西北至汀州府界一百里

沙縣在府城西一百二十里東抵南平西永安南尤

溪北順昌東至南平縣一百二十里西至永安縣界

縣界八十里東南至尤溪縣界一百八十里西南至

永安縣一百六十里東北至順昌縣一百六十里西

至永安縣界一百二十里

尤溪在府城南一百五十里東抵閩清西龍巖南德